





SALUB. FACULTATIS PARISIENSIS.

Naphæ, unciâs duas.  
Saccharo in aquis ad Electuarii solidi spissitudinem cocto  
miscetur Pulpa. Fiant Tabellæ secundum artem.

TABELLÆ DE ALTHÆA  
SINE IGNE.

**Rx** Radicis Althææ exsiccatæ, & in subtilissimum pulverem  
redactæ, unciâs unam.  
Sacchari albissimi tenuissimè pulverati, unciâs quatuor.  
Accuratè misceantur, & fiat ex his massa cum mucagine  
Gummi Tragacanthi, de quâ postea formentur Tabellæ se-  
cundum artem.

*Eodem modo parari possunt*

Tabellæ de Radice Symphyti majoris,  
de Radice Pœoniæ maris, &c.

TABELLÆ DE SULPHURE.

**Rx** Florum Sulphuris subtilissimè pulveratorum,  
drachmas quatuor.  
Sacchari albi, unciâs quatuor.  
Saccharum in aquâ Rosarum solutum coquatur ad Elec-  
tuarii solidi spissitudinem. Tum admisce Flores Sulphuris, &  
fiant Tabellæ secundum artem.

TABELLÆ ANTI-ASTHMATICÆ.

**Rx** Florum Sulphuris, drachmas duas.  
Benzoini, scrupulum semis.  
Specierum Diamargariti frigidi,  
Diaireos, ana drachmam unam.  
Balsami Sulphuris anisati, scrupulum unum.  
Sacchari albissimi pulverati, unciâs tres.  
Cum sufficienti quantitate mucilaginis Gummi Tragacan-  
thi, fiant Tabellæ secundum artem.

CODEx MEDICAMENTARIUS

TABELLÆ DE CHALYBE.

**Rx** Limaturæ ferri præparatæ, unciam semis.  
 Cinnamomi pulverati, drachmam unam.  
 Sacchari albissimi pulverati, uncias quinque.  
 Cum mucilagine Gummi Tragacanthi fiant Tabellæ secundum artem.

TABELLÆ DE OCULIS CANCRORUM.

**Rx** Oculorum Cancrorum ritè præparatorum, unciam unam.  
 Sacchari albissimi subtilissimè pulverati, uncias quatuor.  
 Accuratè misceantur, & cum sufficiente quantitate mucaginis Gummi Tragacanthi aquâ Naphæ extractæ fiat massa, ex quâ formentur Tabellæ vel Pastilli secundum artem.

*Eodem modo parari possunt*

Tabellæ de matre Perlarum,  
 de margaritis,  
 de coralliis,  
 de Terrâ Japonicâ, &c.

TABELLÆ ABSORBENTES ET ROBORANTES.

**Rx** Terræ Japonicæ selectæ, unciam unam semis.  
 Corallii rubri,  
 Margaritarum,  
 Oculorum Cancrorum præparatorum, ana  
 unciam unam & drachmas sex;  
 Cinnamomi subtilissimè pulverati, drachmas quinque.  
 Cassiæ lignæ pulveratæ, drachmam unam semis.  
 Sacchari candi tenuissimè triti, libram unam  
 & uncias duodecim.  
 Gummi Tragacanthi, drachmas tres.  
 Aquæ Cinnamomi, quantum satis.  
 Fiant Tabellæ secundum artem.

## TABELLÆ STOMACHICÆ.

**Rx.** Pulpæ Corticum Citrei,  
 Arantiorum conditorum, ana  
 unciam semis.  
 Corticis Nucis Moschatæ conditæ, drachmas tres.  
 Pulverum Cinnamomi acuti, drachmas duas.  
 Diatrium Santalorum, drachmas tres semis.  
 Menthæ siccæ,  
 Macis, ana drachmam semis.  
 Olei Caryophyllorum, guttas quatuor.  
 Sacchari albissimi in aquæ Naphæ sufficienti quantitate  
 ad Electuarii solidi consistentiam cocti, libram semis.  
 Fiant ex arte Tabellæ.

Nota. Si ex Pulveribus metallicis, absorbentibus, aut volatilibus fiant Tabellæ, eas esse compingendas cum sufficienti quantitate mucilaginis Gummi Tragacanthi: Si verò ex aliis speciebus, pro Pulverum semiunciâ adhibendas esse circiter uncias sex Sacchari, ad Electuarii solidi consistentiam cocti.

## MASSA LIQUIRITIÆ ALBA ET MOLLIS.

**Rx.** Radicis Glycyrrhizæ recentis, decorticatæ & in taleolas  
 sectæ, uncias quatuor,  
 Bulliant in aquæ communis libris octo,  
 ad medias. In colaturâ dissolve  
 Gummi Senegal albissimi & electi, libras duas semis.  
 Sacchari albissimi, libras duas & uncias quatuor.  
 Fiat colatura: & humor superfluus exhalet igne aperto ad  
 spissitudinem extracti, assiduè movendo. Tum fortiter & assiduè  
 conteratur & subigatur massa cum Pistillo ligneo, donec  
 albescat, identidem inspergendo spumam albuminis ovorum  
 recentium numero sex.  
 Conquassati cum aquæ Naphæ semiunciâ.  
 Massa nivei coloris indefinenter agitata inspissetur calore blando,  
 usquedum spatulæ imposta & manui admota ipsi non adhæreat.

N iij



AVICULÆ ÆTHIOPICÆ PRO SUFFITU.

**R** Hydrargyri,  
Florum Sulphuris, ana unciam unam.

Misceantur exactè in mortario marmoreo cum pistillo vitreo;  
dein adde

Salis Ammoniaci pulverati, unciam semis.

Carbonum salicis pulveratorum, unciam unam semis.

Cum sufficienti quantitate Gummi Tragacanthi in aquâ  
soluti formentur pastilli.

